

眉县志

一
函
八
册
函

乾隆四十三年重纂

鄒

縣

志

序目錄并圖

郟縣志卷首

明萬歷中劉九經撰郟志王文簡公稱之今版已不存藏書家猶有其書徵引富雅多合地理而紀載稍似碎雜類於說部之書嗣後

本朝順治十四年康熙九年雍正十一年皆重修又閱四十餘年之久政風民俗闕如未備余故令重爲續纂成書十四篇次第爲十八卷文不甚多於九經之志而萬歷以前九經所有者有之九經所無者增補十之二三若萬歷以後文獻可徵者又無論已昔賢謂宋子京作史文簡事繁最爲難得此其然乎有太白山余忝莅封疆臣來偶遇旱潦祈禱踵驗故特請於

朝蒙

加封號又

以頒御書扁額詩篇報功崇德超軼前代又鄙人橫渠先生爲關
中正學之宗二程子稱道於前朱子表章於後皆宜大書特書
故此書特爲靈感錄道統錄爲方州小志之創體其它體例與
九經之志亦全判然已纂此書者爲吳郡張舍人若搜羅近迹
邑令李君帶雙與有勞焉書成喜爲序之如前方

賜進士及第兵部侍郎巡撫陝西都察院右副都御史鎮洋畢沅
序

目錄

卷首

圖

縣圖

城圖

太白山圖

水利圖

張氏墳圖

卷一

地錄弟一之上

縣之沿革 山

卷二

地錄第一之下

水 物產

卷三

太白山靈感錄第二

卷四

政錄第三之上

戶口保甲 馬壇廟

田賦 城池 官廨 倉儲 學校 兵

卷五

政錄第三之中

官師

卷六

政錄第三之下

選舉 從祀 賜諡 封贈 蔭襲 賞卹

卷七

古迹徵信錄第四

卷八

金石遺文錄第五之上

卷九

金石遺文錄第五之下

卷十

白起井丹三法魯芝傳錄第六

卷十一

三魯二馬二邱三王傳錄第七

卷十二

張氏傳錄第八

卷十三

張氏道統錄第九之上

卷十四

張氏道統錄弟九之下

卷十五

郭伯玉呂下諸人傳錄弟十

卷十六

列女傳錄弟十一

卷十七

僑隱傳錄弟十二

諧異傳錄弟十三

卷十八

舊志賸錄弟十四

右吳中張舍人兄重纂郟志十八卷削彙於乾隆四十三

年秋八月輟簡於明年春三月記傳之魚雅綱目之賅備
較劉侍御本古人不及今人矣舍人兄呂著述三長迴翔
秘閣此雖方州小志其筆墨不苟有如此者而帶雙采掇文獻矢

公矢慎藉仰副

大中丞黼黻鴻業之至意亦與有榮焉故急為開雕呂廣其
傳是月望日己亥知鄒縣事海豐李帶雙謹識

附錄張志八景

武侯陣法

案八陣磧不闌在五丈原劉志已涉附會今五丈原隸岐山資不隸郿也八景土人所樂言故錄於此

鄒伯井田

太白池光

渭濱桃浪

雨雲玉帶

晴靄翠簷

魚洞仙音

鳳泉神澤

縣圖

中漢南山



關谷斜

邱閣

後周雲州
唐郿州

寺明西

積石原

庵卮觀

五丈原今隸岐山

西原

西岐山界

祠火

廟三

五皇閣

廟蟠八

廟義三

壇社

漢唐廟

社倉



鎮渠金



宋鐵冶務
今隸鐵冶


墓晉王




淨光寺

廟白大

風雲
雲雨
山川



城縣



演武場

廟關王
廟忠
廟杏
廟帝

壇厲

漢唐場

渡修善

周城

渭濱

平陽

墓乎中張



隋郿城郡

漢郿縣

成國渠壇

倉社

祁王邸

墓回何



扶北

府洋縣界

大白山



社弟



社舒家
倉邨




張野墓



大振谷
張子故居

清化鎮



井田渠

楓芽鎮




反王墓



橫渠祠



橫渠鎮




社倉

清秋廟



天驢城

先農壇



東蓋屋界

社倉



教坊



天慶觀

隋鳳泉縣

元柿林縣

社倉




長興鎮



風界

城圖

南



卷一

門

菩薩堂

東門迎恩門

東關

舊察院
今書院

縣

常倉


三官廟

觀音堂

真武殿

卷之三

三



太白山圖



卷之三


小郭集




水利圖

縣南 總名 終南 山一 名岐 陽山

南



北



東

武功山

太白山

小白山

綠柳崖

魚河

燕子窩

仙人峽

掃地嶺

瀑布泉

法泥雨

馬頭原

教坊河

河廣堡

第二坡

清湫河

清潭泉

潭谷

四角山

河池

鍾呂坪

溫泉里

保家里

呂家寨

槐芽泉

湯谷

燕雀泉

立坂

柿林泉

大振谷

筒瓦溝

井田西渠

井田東渠

橫渠

壘谷

務木里

沙河

龍舞泉

包袱溝

李家邨

張氏墳圖

計地四十五畝

湯谷水



龍王廟

板橋谷水

垂牙谷水

指溝嘴



真武廟

響泉谷水

孔家原

童官寨

包家寨

齊家堡

任家堡

蘇家邨

嚴家莊

五盧廟

聖母廟

橫渠鎮

五皇廟


城隍廟

南

西

北





東

渠瓦筒

小坑谷水

大坑谷水

頭新

珠泉

風火堡

張子

聖母廟

萬家原

臨井廟

盈耳上

文家

廟聖四

廟三

廟武真

橫求祠

鄱縣志卷首終

地錄第一之上

郿縣志卷一

縣之沿革

郿縣今隸陝西之鳳翔府

一統志在府東南一百十里東西距九十里南北距二百九十里東至西安府盩厔縣界六十里西至岐山縣界三十里南至太白山五十里北至扶風縣界十里東南至盩厔縣界六十里西南至岐山縣界六十里東北至扶風縣界二十五里西北至岐山縣界十五里

鳳翔府志府東南一百五里廣七十五里袤六十五里東至西安府盩厔縣界六十里南至漢中府洋縣界太白山嶺爲界縣城距山路五十里西至岐山縣界十五里北至扶風縣界十五里

陳志郤在明爲小縣在

本朝稱中縣

張志東至蓋屋縣呂青花鎮爲界六十里西至岐山縣呂五
會寺爲界十五里南至太白山巔爲界五十里北至扶風縣
呂高王寺爲界十五里東南至蓋屋縣呂譚家寨爲界六十
五里西南至岐山縣呂斜谷內桃川爲界三十里東北至扶
風縣呂牛蹄爲界二十里西北至岐山縣呂桃源邨爲界十
五里廣渭南七十五里渭北三十五里表六十五里山口止
四十里至府一百里至省三百五十里至京師三千八百里

周之先封國曰郃

詩卽有郃家室

史記周本紀周后稷名棄其母有郃氏女曰姜原

正義曰郃夫
切亦作棄

帝舜曰棄黎民始飢爾后稷播時百穀封棄於郃

徐廣曰今
郃鄉在扶

風索隱曰部即郃古今字異耳

說文部炎帝之後姜姓所封周棄外家國从邑台聲右扶風

郃縣是也

案後漢無郃縣并入郃許慎據前漢地理而言

其地亦曰郃

詩申伯信邁王餞于郃

案春秋莊公二十八年冬築郃左傳築郃匪都也凡邑有宗

廟先君之主曰都無曰邑邑曰築都曰城杜預曰魯下邑是

與此郃又是二邑或言紂所徙經無明文不可訓也

劉志微郃同音而通用

案郃亦作微者此魯之郃也若此地之郃顏師古亦音媚不

聞通作微也

劉志或曰郇國卽詩所謂郇國也

案郇周武王子所封國自在晉地何得言在於此處此因漢有栒邑縣同隸右扶風而唐時復曾改郇郡爲郇州故附會其說顏師古曰栒讀與荀同自是別邑匪郇侯賈伯之伐晉者

又案栒从木者不見許氏說文亦是郇字之譌故唐有郇州本虜此但與伐晉之郇別是一邑

秦置縣曰滎

後漢書劉昭注秦是滎縣後省

亦曰郇

史記白起傳郇人也

玉海山西出將白起郤人

此見漢書贊

亦曰平陽

帝王世紀秦寧公都平陽

史記秦本紀寧公二年公徙居平陽

徐廣曰郤之平陽亭也

案平陽亭後漢猶沿其名先主封孫德爲平陽亭侯是也

通典郤漢舊縣秦寧公徙都平陽卽此

括地志平陽故城在岐州岐山縣西四十六里

案馮衍賦登平陽而懷古章懷注云平陽縣名故城在今岐

州岐山縣西南此平陽也王應麟地理通釋韓貞子徙居平

陽則在晉之臨汾縣也

或曰故汧城卽故郤城

地理通釋文公居西垂宮東獵至汧渭之會廼卜居之占曰

吉卽營邑之括地志故汧城在隴州汧源縣南三里世紀云
襄公二年徙居汧卽此城郿縣故城在岐州鳳翔府郿縣東
北十五里文公東獵汧渭之會卜居營邑卽此城也世紀文
公徙汧今扶風郿縣是也

案汧郿較遠王應麟所引之說恐不足信括地志今亾其書
無從校正

漢因秦置縣曰郿

漢書地理志右扶風故秦內史高帝元年屬雍國二年更爲
中地郡九年罷復爲內史武帝建元六年分爲右內史太初

元年更名左爵都尉爲右扶風

師古曰主爵都尉本秦之主爵中尉掌列
侯至太初元年更名右扶風而治於內史

右地故此志追書建元六年爲右內
史又云更名主爵都尉爲右扶風

郿 師古曰郿音獮

三輔黃圖右輔都尉治郿

說文郿右扶風縣从邑省聲武悲切

史記樊噲傳攻趙賁下郿

正義曰岐州縣也

又咸宣傳坐怨成信信亡藏上林中宣使郿令格殺信

漢書周勃傳還下郿

案郿為秦之置縣無明文然據周勃樊噲下郿時高帝未曾
平一天下未置縣也則郿之為縣其在始皇二十六年分三
十六郡之時虘

後漢因之縣曰郿

後漢書郡國志右扶風

秦屬內史武帝分改
名決錄曰扶風化也

郿

又劉盆子傳盆子乘王車駕三馬從數百騎迺自南山轉掠

城邑與更始將軍嚴春戰於郿破春殺之

又崔烈傳獻帝初鈞與袁紹俱起兵山東董卓曰是收烈付

郤獄錮之銀錯鐵鎖

又董卓傳卓遷太尉領前將軍事加節傳斧鉞虎賁更封郤侯

三國志陳畱恭王峻傳建安二十一年封郤侯

又郤戴公子整傳建安二十二年封郤侯 四年詔呂範弟南安鄉公闡爲郤公

又董卓傳郭汜復欲脅天子還都郤天子奔奉營奉擊汜破之汜走南山奉及將軍董承呂天子還洛陽 汜爲其將五習所襲死於郤

又馬超傳騰爲征西將軍遣屯郤

英雄記卓侍妾懷抱中子皆封侯弄呂金紫孫女名白時尚未笄封爲渭陽君於郤城東起壇從廣二丈餘高五六尺使

白乘軒金華青蓋車都尉中郎將刺史二千石在郿者各令乘軒簪筆爲白導從之壇使兄子璜爲使者授印綬

華陽國志獻帝初平四年征西將軍馬騰自郿與焉範通謀襲長安治中從事廣漢王商亟諫不從謀泄範誣受誅

又建興六年春丞相亮揚聲由斜谷道取郿

又其地曰釐鄉

漢書酷吏傳趙禹釐人也

師古曰釐讀曰郿扶風縣也音胎

後漢書郡國志郿有郿亭

徐廣曰今釐鄉

三國志董卓傳拜前將軍封釐鄉侯

案前漢右扶風有釐縣後漢省是併釐入郿無縣存其鄉爾

前漢趙禹一人可采入列傳並可與邱神勸王旭合撰三酷

吏傳因已脫彙不復改削附記於此俟後有君子采擇焉

又三國志馬超傳章武元年遷驃騎將軍領涼州收進封釐鄉侯

案釐鄉之地未經先主所有此封侯者亦如呂張翼為扶風太守皆是遷領

唐書宰相世系后稷封於郃其地扶風釐鄉是也

魏曰郃亦曰釐城

晉書宣帝紀

魏太和五年

張郃勸帝分軍住雍郃為後鎮

又

魏青龍二年

亮又帥眾十餘萬出斜谷壘於郃之渭水南原

又魯芝傳常道鄉公即位進爵釐城鄉侯

晉置縣曰郃

晉書地理志雍州

扶風郡漢武帝呂為主爵都尉太初中

更名右扶風

郃

又姚萇載記登退屯於郿

案此時之郿屬前秦荷氏

又姚泓載記勃勃遂據雍抄掠郿城

左僕射梁喜曰若無

安定虜馬必及於郿雍

太平寰宇記大邱城魏黃初元年置扶風郡至晉泰始中郡

徙理郿

後魏廢郿置縣曰平陽

魏書地形志雍州武都郡太延年置平陽真君六年置

西魏改平陽曰郿城

見隋書地理志

後周廢郿城入周城縣又置雲州

見隋書地理志

北史周本紀

天和秋七月戊寅築武功郿斜谷武都畱谷津

坑諸城邑置軍人

案北史所云則天和初尚置縣曰郿後廼改周城耳

附改周城曰渭濱

隋書地理志開皇十八年改周城爲渭濱

又改置縣曰郿

隋書地理志扶風郡舊置岐州 郿大業二年改爲郿

唐書高祖紀郿賊邱師利李仲文來降

又邱行恭傳大業末聚兵萬人保郿城

案唐書二條其時俱在大業末與隋書地志大業二年改爲

郿之言合已

又置郿城郡又析郿置縣曰鳳泉

唐書地理志義寧二年置郿城郡又析置鳳泉縣

又韋表微傳韋表微字子明隋郿城公元禮七世孫

唐初置縣曰郿

唐書地理志鳳翔府扶風郡赤上輔本岐州至德元載更郡曰鳳翔二載復郡故名號西京爲府上元二年罷京元年曰西都未幾復罷都 郿次畿

又魚朝恩傳載又議析鳳翔之郿與京兆

又五行志景龍二年岐州郿縣民王上賓家有苦蕒菜高三尺餘上廣尺餘厚二分近草妖也 光啟二年春鳳翔郿縣女子未亂化爲丈夫旬日而死

廣韻郿縣名在岐州

通典扶風郡 郿

元和郡縣志縣西北至鳳翔府一百里秦縣在今縣東十五

里有故城今縣周天和元年築在渭水南一里縣理城亦曰斜城城南當斜谷口因呂爲名

又曾置州曰郿州旋廢

唐書地理志武德元年曰郿州呂鳳泉來屬三年州廢呂郿隸稷州

案地志所云則武德三年呂前郿屬郿州應爲附州城之縣漢有枸縣說文無枸字或當作郿故唐人因之置州

又唐書地理志武德三年呂武功好畤蓋屋及郿州之郿鳳泉置稷州

置縣曰鳳泉旋省

唐書地理志貞觀元年呂圍川鳳泉隸岐州

又貞觀八年省鳳泉

舊唐書地理志義寧二年於郿縣界置郿城郡領郿鳳泉二縣

一統志鳳泉廢縣在郿縣東南

宋置縣曰郿

玉海景祐三年正月翰林承旨章得象等詳定三等國名郿

郿城小國

宋史地理志鳳翔府次府扶風郡鳳翔軍節度 郿次畿

又張載傳淳熙元年封郿伯

宋蘇軾詩注壬寅二月有詔命郡吏分往屬縣減決囚禁自十三日受命出府至寶雞號郿蓋屋四縣

金因之置縣曰郿又曾隸恒州

金史地理志鳳翔府中宋扶風郡鳳翔軍節度皇統二年升

爲府軍名天興大定十九年更軍名爲鳳翔大定二十七年

升總管府 郿

又五行志 至寧四年五月 郿縣蝻蟲傷麥

又宣宗紀 貞祐四年四月 甲辰有司言扶風郿縣有蝻傷麥

一統志金貞祐四年分屬恒州

案金人曾升蓋屋縣爲恒州而呂郿隸之

元因之置縣曰郿

元史地理志奉元路上唐初爲雍州後改關內道又改京兆府又曰京城爲西京又曰中京又改上都宋分陝西秦鳳熙河涇原環慶鄜延爲六路金併陝西爲四路元中統三年立陝西四川行省治京兆 十六年改京兆爲安西路總管府二十三年四川置行省改此省爲陝西等處行中書省大德

元年移雲南行臺於此爲陝西行臺皇慶元年改安西爲奉元路 郿下

又先置州曰郿州俊省又添置縣曰栢林後廢

元史地理志舊爲郿州添置栢林縣至元元年省郿州爲郿縣廢栢林

一統志元初升爲郿州至元初復爲縣 栢林廢縣在郿東四十里元初置虜郿州尋廢

明置縣曰郿

明史地理志鳳翔府元屬陝西行省洪武二年三月因之 郿府東南元屬奉元路洪武二年來屬

鳳翔府志永樂末年郿縣產麒麟守臣上貢至畿內安肅斃焉瘞城北道左封土名麒麟冢

本朝因之分野爲非鬼鶉首之次

玉海星紀鶉首秦自井十度至柳三度謂之鶉首之次秦

分也此見班書

一統志鳳翔府天文井鬼分野鶉首之次

山

終南山

禹貢終南敦物

詩終南何有六條有梅

漢書地理志大壹山古文曰爲終南

又王莽傳後世聖主得瑞者當張樂奏終南山之上

服虔曰長安南山詩

所謂終南故秦地故言秦也

後世褒主當登終南山

後漢書郡國志武功有太一山本終南

西征賦九巒截薛太一龍嵒面終南而背雲陽跨平原而連
嶓冢

西京賦終南太一隆崛崔峯

通典鄠有終南山

唐六典關內古雍州之境南據終南之山

元和郡縣志在鄠縣南三十里

唐書五行志開元二年終南山竹有華食如麥

太白山

詳具靈感志

馬冢山

水經注渭水又東逕馬冢北諸葛亮與步騭書曰馬冢在武
功東十餘里有高執攻之不便是日畱爾

一統志在郿縣西

四觜山

劉志太白山北爲四觜山山巒若疊嶂迤邐凌高比登太白山俯瞰如崗阜焉南連武功諸山最爲秀傑

張志堪輿家曰爲連珠形

武功山

劉志武功今訛爲整山又曰垂山

蜀道驛程記太白

自注卽垂山

武功二山屬郿

鳳翔府志武功山北連太白其峯最高俗呼爲觀星樓語曰武功太白山去天三百

案太白山在武功故諺云武功太白山去天三百言是武功之太白匪太白之外又有武功山也自鄭氏曰武功太白爲兩

山而武功山無著後人遂以垂山當之張志有西鰲山又踵
劉志之鰲山譌寫作鰲

瓦窰山

張志在太白山西

駝羊峯

劉志西抵斜谷

馬鞍山

劉志西南紅崖頭曰馬鞍山一曰馬嶺山

鳳翔府志縣西十里連紅崖頭

案府志與張志載馬鞍山又載馬嶺山誤

熨斗山

劉志此隨地爲名不與太白联接

張志在縣西北十里附周原

菩薩山

張志在赤谷內有勝蹟每六月遠近悉供香火

少白山

張志在太白山前林壑幽異曾巒聳翠爲郿南勝境俗名香巖山處士李栢仿太華少華太乙少乙更名少白云

李栢入少白山詩露濡林光連翠滴雲涵雨意帶秋飛舉頭遙見青天外千尺孤松一鶴歸

秦王嶺

劉志在縣治東舊傳唐太宗居藩時屯牧於此或又爲秦文公營邑處無據按晉書載記苻健據關中嘗稱大單于秦王又稱天王至登破姚萇馬頭原後敗屯於郿萇竟滅登自稱

大單于萬年秦王郿固二秦戰場也嶺蓋曰此得名今清湫
堡南亦曰馬頭原

一統志秦王嶺在郿縣東十里

案鳳翔府志言有秦嶺在太白山前此卽秦王嶺傳寫之譌
若韓愈詩雲橫秦嶺家何在此秦嶺當在長安三秦記所謂
子午谷在長安正南山名秦嶺一名樊川也皆是終南一帶
峯麓文人好事題名匪終南之外又有秦嶺

斜谷

史記貨殖傳巴蜀亦沃野地饒卮薑丹沙石銅鐵竹木之器
南御滇熨熨僮西近邛笮笮馬旄牛然四塞棧道千里無所
不通唯褒斜縮轂其口

索隱曰言褒斜道狹縮其道口有車轂之湊故曰縮轂也

漢書揚雄傳命右扶風發民入南山西自褒斜

師古曰南山二谷名也

東

至宏農南陔漢中張羅罔且杲 長楊賦左太華而右褒斜

後漢書郡國志武功有斜谷 西征賦注曰褒斜谷在長山西南口褒北口斜長一百七十里

又順帝紀 十一月乙亥 通褒斜谷 三秦記曰褒斜漢中谷名南谷名褒北谷名斜首尾七百里

又劉焉傳斷絕斜谷殺使者

又杜篤傳拒守褒斜南嶺不通

三國志武帝紀王自長安出斜谷軍遮要呂臨漢中遂至陽

平備因險拒守

又後主傳八年秋魏使司馬懿由西城張郃由子午曹真由

斜谷欲攻漢中丞相亮待之於城固赤坂大雨道絕真等皆

還 十一年冬亮使諸軍運米集於斜谷口 十二月亮由

斜谷出始呂流馬運

又諸葛亮傳六年春揚聲由斜谷道取郿使趙雲鄧芝為疑

軍據其谷

又趙雲傳五年隨諸葛亮駐漢中明年亮出軍揚聲由斜谷道曹真遣大衆當之亮令雲與鄧芝往拒

又秦宓傳三皇乘祗車出谷口今之斜谷是也

蜀記曰三皇乘祗車出谷口未詳宓

所由知爲斜谷也

魏略夏侯楙爲安西將軍鎮長安亮於南鄭與羣下計議延曰聞夏侯楙少主婿也怯而無謀今假延精兵五千負糧五千直從褒中出循秦嶺而東當子午而北不過十日可到長安楙聞延奄至必乘船逃走長安中惟有御史京兆太守耳橫門鄢閣與散民之穀足周食也比東方相合聚尚二十許日而公從斜谷來必足曰達如此則一舉而咸陽曰西可定矣亮曰爲此縣危不如安從坦道可曰平取隴右十全必克

而無虞故不用延計

又三國志明帝紀是月諸葛亮出斜谷屯渭南司馬宣王率諸軍拒之司馬宣王與亮相持連圍積日亮數挑戰宣王堅壘不應會亮卒其軍退還

北史

建德元年

十二月壬申行幸斜谷

唐書陸贄傳時鳳翔節度使李楚琳殺張鎰得位雖數貢奉議者頗言其挾兩端有所狙伺然帝亦不能容其使至皆不得召欲呂渾瑊代之贄諫曰楚琳之罪舊矣今議者迺始紛紜不亦晚哉且勤王之師在畿內者急宣亟告景刻不可差商嶺旣回遠而駱谷又爲賊所扼通王命者唯褒斜爾若復阻則諸鎮之向背者我勝則來賊勝遂往此焉幾會不容差跌使楚琳逞憾敢爲猖狂南塞要衝東與賊合則我噎喉扼

而心膂分矣豈不病哉今顧望兩端是廼天誘其衷通歸
濟大業也帝釋然盡召見其使

又田令孜傳始帝入蜀諸王徒步自從壽王至斜谷不能進
又黃巢傳由馬嵬武功入斜谷自通盤屋列屯十四使將梁
璩主之

韋昭曰漢中郡有褒斜谷斜余遮反

括地志褒斜二谷名褒在漢中郡褒城縣北五十里南口曰
褒北口曰斜長四百七十里同爲一谷三國魏孫資曰武皇
取張魯數言斜谷道爲五百里石穴卽此

明史地理志郿西南有斜谷南入漢中有斜谷關

劉志古今志褒斜者皆謂南北同谷惟何氏雍大記不然謂
自秦入蜀有三谷四道西南曰褒谷南曰駱谷從洋入東南

曰斜谷從郿入其棧道有四出從成和階文出者爲沓中陰平道鄧艾伐蜀由之從兩當出者爲故道漢高帝攻陳倉由之從褒鳳出者爲今連雲棧道漢王之南鄭由之從成固洋縣出者爲斜路道武侯屯渭上由之此四道三谷余未履其地但就其所分疏求之夫旣曰駱谷爲南則斜谷當在西南且斜路二谷地望各異何得槩稱一道爲武侯屯渭所經由耶蓋褒谷在蜀漢西北不得爲自秦入蜀之路若從秦川言則南曰駱谷在盩厔西南爲郿則斜谷耳廼訛西南曰東南將曰郿在盩厔之東虜哉故程大昌述高帝之入關也正月羽封沛公爲漢王都南鄭封秦將章邯爲雍王都廢邱四月漢王入蝕中至南鄭蝕中不見地書曰地望言關中南面碍山不可直達其有微徑可達漢中者唯子午關在長安南次

西有駱谷關又西則褒斜也此蝕中匪駱谷則子午耳若夫散則在西南不與咸陽對出匪其地矣其年五月漢王引兵襲雍則自褒斜出蓋雍之陳倉也漢兵旣出章邯走廢邱遂定雍縣東圍廢邱邯自殺復遣樊噲周勃引兵下郿安得謂駱谷在南而斜谷又在東耶又案鄭氏地理略當蜀魏時陳倉東北十五里爲郿城亮攻陳倉不拔又攻郿不能克迺引還國志雖無其文而漁仲博雅必有所據則高帝後亮亦攻陳倉及郿而不獨屯渭上由斜駱道矣蓋駱谷出扶風隔南山中有三嶺一曰沈嶺近芒水在盩厔一曰衙嶺一曰分水嶺固郿斜谷水所從出呂入渭者也迺知斜駱二谷在南山中其脉執實相聯接緣本著末則郿與盩厔皆有駱谷而雍大記迺統稱斜駱道云所呂記事者又有元僖西幸由斜谷

之說見次柳氏舊聞及張彭耆舊傳

新谷

魏書地形志平陽有新谷

大振谷

劉志湯谷東曰大振谷俗曰仙人峽

五丈原

三國志諸葛亮傳十二年春亮悉大衆由斜谷出曰流馬運

據武功五丈原與司馬宣王對於渭南亮每患糧不繼使已

志不伸是日分兵屯田為久住之計耕者雜於渭濱居民之

閒而百姓安堵軍無私焉相持百餘日其年八月亮疾病卒

於軍時年五十四

魏書曰亮糧盡執窮憂患嘔血一夕燒營遁走入谷道發病卒

晉陽秋曰有星赤而芒角自東北西南流投於亮營三投再還
往大還小俄而亮卒巨松之曰為亮在渭濱魏人躡跡勝負之形未可測量而云嘔血蓋
因亮自亡而自誇大也夫曰孔明之略豈為仲達嘔血序及至劉琨喪師與晉元帝策亦

云亮軍敗嘔血此則引虛記呂為言也
其云入谷而卒緣蜀人入谷發喪故也
及軍退宣王案行其營壘處所曰

天下奇才也

漢晉春秋曰楊儀等整軍而出百姓奔告宣王宣王追焉姜維令儀反旗鳴鼓若將向宣王者宣王廻退不敢偏於是儀結陣而去入谷然後

發喪宣王之退也百姓為之諺曰死諸葛走生仲達或曰告宣王宣王曰吾能料生不能料死也

又亮集載作木牛流馬法曰木牛者方腹曲頭一脚四足頭入領中舌著於腹載多而行少宜可大用不可小使特行者數十里羣行者二十里也曲者為牛頭雙者為牛腳橫者為牛領轉者為牛足覆者為牛背方者為牛腹垂者為牛舌曲者為牛肋刻者為牛齒立者為牛角細者為牛鞅攝者為牛鞅軸牛仰雙轅人行六尺牛行四步載一歲糧日行二十里而人不大勞流馬尺寸之數肋長三尺五寸廣三寸厚二寸二分左右同前軸孔分墨去頭四寸徑中二寸前腳孔分墨一寸去前軸孔四寸五分廣一寸前杠孔去前腳孔分墨二

寸七分孔長二寸廣一寸後軸孔去前杠分墨一尺五分大
小與前同後腳孔分墨去後軸孔三寸五分大小與前同後
杠孔去後腳孔分墨二寸七分後載尅去後杠孔分墨四寸
五分前杠長一尺八寸廣二寸厚一寸五分後杠與等板方
囊二枚厚八分長二尺七寸高一尺六寸五分廣一尺六寸
每枚受米二斛三斗從上杠孔去肋下七寸前後同上杠孔
去下杠孔分墨一尺三寸孔長一寸五分廣七分八孔同前
後四腳廣二寸厚一寸五分形制如象軒長四寸徑面四寸
三分孔徑中三腳杠長二尺一寸廣一寸五分厚一寸四分
同杠耳

晉書宣帝紀二年亮又帥衆十餘萬出斜谷壘於郿之渭水
南原天子憂之遣征蜀護軍秦朗督步騎二萬受帝節度

將欲住渭北。呂待之帝曰：百姓積聚，皆在渭南，此必爭之地也。遂引軍而濟，背水爲壘。因謂諸將曰：亮若勇者，當出武功，依山而東；若西上五丈原，則諸軍無事矣。亮果上原，將北渡。渭帝遣將軍周當屯陽遂。呂餌之數日，亮不動。帝曰：亮欲爭原而不向陽遂，此意可知也。遣將軍胡遵、雍州刺史郭淮共備陽遂，與亮會於積石。臨原而戰，亮不得進，還於五丈原。會有長星墜亮之壘，帝知其必敗，遣奇兵掎亮之後，斬五百餘級，獲生口千餘人。降者六百餘人。時朝廷以亮僞軍遠，寇利在急戰。每命帝持重，呂候其變。亮數挑戰，帝不出。因遣帝巾幘婦人之飾。帝怒，表請決戰。天子不許，迺遣骨鯁臣衛尉辛毗杖節爲軍師。呂制之後，亮復來挑戰。帝將出兵，呂應之。毗杖節立軍門，帝迺止。初，蜀將姜維聞毗來，謂亮曰：辛毗杖節而

至賊不復矣亮曰彼本無戰心所呂固請者呂示武於其衆耳將在軍君命有所不受苟能制吾豈千里而請戰邪帝弟孚書問軍事帝復書曰亮志大而不見機多謀而少決好兵而無權雖提卒十萬已墮吾畫中破之必矣與之對壘百餘日會亮病卒諸將燒營遁走

又姚泓載記平陽氏葛渴聚衆千餘據五丈原呂叛遣鎮遠姚萬恢武姚難討之爲渴所敗姚謔討渴擒之

魏書地形志平陽有五丈原

隋書地理志鄒有五丈原

通典鄒西五丈原

元和郡縣志原在鄒縣西南二十五里

明史地理志鄒有五丈原

明統志在鄒縣西三十里

唐温庭筠過五丈原詩鐵馬雲騅久絕塵柳營高壓漢宮春
天晴殺氣騰關右夜半妖星照渭濱上國臥龍空悟主中原
逐鹿不由人象牀寶帳無言語從此譙周是老臣

宋郝居中題五丈原武侯廟詩籌筆無功事可哀長星飛墮
蜀山摧三分豈是平生志十倍寧論蓋世才壞壁丹青仍白
羽斷碑文字只蒼苔夜深老木風聲惡尚想袞斜萬馬來

宋蘇軾詩南望斜谷口三山如犬牙西望五丈原鬱屈如長
蛇有懷諸葛公萬騎出漢巴吏士寂如水蕭蕭聞馬槌公才
與曹丕豈止十倍加顧瞻三輔閒執若風卷沙一朝長星墜
竟使蜀婦壘山僧豈知此一室老煙霞往事逐雲散故山依
渭斜客來空弔古清淚落悲茄

宋蔣穎叔過郿縣懷古詩蜀相揚聲欲取郿關中形勢已全
窺當時不是長星隕席卷中原未可知一據險先收五丈原
駐兵分闕渭南田諸軍未信全無事天下奇才始信然二
案五丈原今隸岐山縣

積石原

水經注渭水又東逕積石原卽北原也青龍二年諸葛亮出
斜谷司馬懿屯渭南雍州刺史郭淮策亮必爭北原而屯遂
先據之亮至果不得上

通典郿東積石原

元和郡國志原在郿縣西北二十五里

一統志在郿縣西北接岐山縣界

案安祿山置興平軍於郿縣東原並郭英又軍於東原皆此

積石原也水經注又謂北原地勢延袤其實一原也元和志
謂在鄒西北此兼鎮石原而言矣

鎮石原

通典鄒西鎮石原

案鄒東西有積石鎮石二原今人不知只言大小積石二原
響璫坡

一統志在鄒縣西十里人行則有聲故名

鍾呂坪

劉志俗傳爲臥眺長安處

一統志在鄒縣東南五十里南山內小山不甚高而頂寬平
俗傳鍾呂傳道於此

金錢石

張志在湯谷內傍臨深淵手搖卽動視之隱然有金錢
鳳翔府志形如菌芝

地錄第一之下

郿縣志卷二

水

渭水

水經注渭水又東逕郿縣故城南地理志曰右輔都尉治魏氏春秋曰諸葛亮寇郿司馬懿據郿拒亮卽此縣也渭水又東逕郿縣故城南舊郿城也后稷之封邑矣詩所謂卽有郿家室也

元和郡國志郿縣在渭水南一里

金史地理志郿有渭水

一統志渭水又東逕扶風縣南郿縣北接乾州武功縣界

通志渭水又東逕郿縣北三里乾溝河合磨石谷井索谷萬戶谷桐谷駱谷五穀之水北流逕呂布城西又有蒼龍谷水

西合斜水支津之磨渠河流逕縣北又至縣東合於乾溝河
又北流入於渭渭水又東赤谷水源出太白湫之瀑布泉分
爲三派一爲洪溝河其東爲教坊河又東爲清湫河右納白
馬池之黑谷水皆北流入於渭渭水又東河水逕槐芽鎮北
流入之又東湯谷河逕故鳳泉宮北流入之又東至清化鎮
入螯屋界韋谷水合大振谷水鳳凰泉水北流入之又東彊
谷水合稻谷水北流入之

斜水

史記河渠書斜水通渭

漢書地理志斜水出衙領山北至郿入渭

後漢書郡國志其水南流

通典斜水自北入渭

水經注渭水於縣斜水自南來注之水出縣西南衙嶺山北
歷斜谷逕五丈原東諸葛亮與步騭書曰僕前軍在五丈原
原在武功西十里餘水出武功縣故亦謂之武功水也是呂
諸葛亮表云臣遣虎步監孟琰據武功水東司馬懿因水長
攻琰營臣作竹橋越水射之橋成馳去其水北流注於渭
括地志斜水源出褒城縣西北九十八里衙嶺山與褒水同
源而分流

太平寰宇記郿縣斜水出斜谷歷邑界東入渭

一統志斜水自漢中府褒城縣流逕岐山縣南又東北逕郿
縣西入渭今日斜谷河其上流名桃川

張志源出衙嶺北流二百餘里至谷口逕第五邨流三十里
距縣治西三十里岐山縣高店鎮東注渭

清水河 磨渠河 蒼龍谷水

劉志西界岐曰斜谷河分導縣境曰清水河逕馬鞍山循紅崖東北流二十里入渭源微而委緩湜湜可鑑東導一派曰磨渠河逕景家橋與蒼龍谷水合今止稱蒼谷谷南有泉源焉北抵官應作觀邨庵逕老虎溝東入乾溝河

乾溝河

劉志郭東五里為曹太學莊注五谷水蓋水麓支谷也一日磨石谷出滴水崖合并索谷水出觀音池逕曲元堡合萬戶谷水逕西涼骨合桐谷水稍東又合駱谷水自西南抵東北逕洪寺合流紆屈四十餘里雨澇澗集五谷皆會旱則絕焉故名乾溝河

一統志乾溝河在郿縣東五里又名五谷水

案五谷謂磨石谷井索谷萬戶谷桐谷駱谷也

蒼龍谷水

鳳翔府志縣南三十里發源谷南北流入乾溝

赤谷水

劉志駱谷東曰赤谷俗嘑紅河源出太白湫名太白峽水來山巖噴飛類瀑布一名瀑布泉

杜多斑赤谷水利碑記鄒有赤谷河流甚大因執奔逝析入金渠甯曲者僅衣帶耳相傳齊相甯相所引民至今立祠神之然水之來徑卒爲山石梗悠揚緩弱夏旱則竭梅侯緣崖入谷至渠口欣然曰此石雖頑不可烈而鑿之耶鑿之則水之全執入渠渠下數十里之民居不皆可繞戶汲耶率衆舉行立渠上指麾燔鑊若古神人鍊者叱者鞭者然亾何而洪

流滔滔下注潑遶三十餘里達於渭經流之處輓轡無聲壺
簞相屬者千餘家古人之事可曰變通而擴大之固有發越
於千年以後之精誠者上六之勿幕本於有孚此方之民遂
亦相與神之不朽是水之流也始上下營頭歷洪水磨尹家
邨全家邨棗林邨雙廟邨陳家邨吳家社岳家邨金渠莊東
莊金渠鎮甯曲共一十三邨渠廣四尺深三尺遮塞有禁毀
決有禁居人懼久而壇也立石爲記

洪溝河 教坊河 清湫河

劉志赤谷水出谷分三派逕河底注渭者曰洪溝河逾石觜
升高阪支延墜落僅給食用或曰齊相甯戚導之又稱甯曲
河逕第二坡由教坊注渭者曰教坊河逕馬頭原由清湫注
渭者曰清湫河此兩派頗資灌溉

案府志載洪溝河又載甯曲河誤也甯曲有水利記在金石錄

黑谷水

劉志赤谷東曰黑谷水滴自崖亦名滴水崖谷南山寨坪坪下有潭清澈見底不得其至或云谷水源云

張志逕法尼背北流三十里至清湫注渭

山河

劉志清湫東曰山河西注渭湍急病涉或曰源發太白

鳳泉湯

水經注渭水又東溫泉水注之水出太一山其水沸涌如湯杜彥達曰可治百病世清則疾愈世濁則無驗其水下合溪流北注十三里入渭

隋書地理志鄱有鳳泉宮

唐書地理志鄱有鳳泉湯

又元宗本紀開元三年十月甲子如鳳泉湯 十一月己卯至自鳳泉

湯 十二月乙丑降鳳泉湯所過死罪呂下年十二十二月甲

午如鳳泉湯戊申至自鳳泉湯 十八年十月庚寅如鳳泉湯庚寅

至自鳳泉湯

唐元宗幸鳳泉湯詩西狩觀周俗南山歷漢宮薦鮮知路近

省歛覺年豐陰谷含神爨湯泉養聖功益齡仙井合愈疾醴

源通不重鳴岐鳳誰矜陳寶雄願將無限澤霑沐衆心同

劉志槐芽東曰湯谷湯谷者鳳泉湯也為隋唐勝跡翳涕若

湯臭聞硫黃浴之愈疾今名溫泉出谷口循立阪北流二十

五里注渭巨源發湯谷更無別派故名湯谷河

案溫泉在鄒者曰鳳泉湯在驪山者先曰溫湯明皇旣作溫泉宮迺曰溫泉不言溫湯張說溫泉箴是驪山之溫泉匪鄒之鳳泉湯也水經注之言溫泉出太一山故知是在鄒者矣

大振谷水 韋谷水

劉志大振谷水出燕子窩北流二十里至睡佛寺與韋谷水合流名兩谷河河有怪石多沙又名沙河北流二十里至太白廟入渭韋谷者卽俗訛爲泥谷者也源發掃帚嶺北合大振谷水入渭漑務平里包伏溝田然東界盤屋分導清化亦時有水訟云

案張志之所謂沙河者卽劉志之謂山河也張志又不知兩谷河之爲沙河盤戾不一而足鳳翔府志亦沿張志之繆一統志大振谷水在鄒縣東南俗稱仙人峽水

笏瓦溝水

張志在韋谷西北流與大振谷水合

魚龍泉

張志出礫砢崖逕鍾呂坪立阪堡西北流三十里至東柿林
合湯谷水入渭

鳳翔府志魚龍泉產魚鱗鬣異常人不敢食礫砢崖在遠谷
東南

一灣泉 槐芽泉 柿林泉 龍舞屯泉

劉志縣東一里曰一灣泉又三十里曰槐芽泉又四十里曰
柿林泉又六十里曰龍舞屯泉

清遠泉 崖下泉

劉志東北十里曰清遠泉北一里曰崖下泉

紅崖泉 五眼泉 觀音泉 一椀泉

劉志西五里曰紅崖泉又六里曰五眼泉西南十里曰觀音泉又十一里曰一椀泉諸泉頗有灌溉利

珍珠泉

鳳翔府志韋谷西北里許自地湧出如珠清湛異常

華岩泉

張志在溫泉東北北流與湯谷水合

白馬仰天池

張志在四觜山顛

蓮花灣

張志在赤谷

成國渠

漢書地理志郿成國渠首受東北至上林入蒙籠渠

晉書宣帝紀青龍元年穿成國渠築臨晉陂溉田數千頃國
曰充實焉

又食貨志開成國渠自陳倉至槐里

水經注蒙籠渠上承渭水於郿縣

又渭水又東會成國故渠渠魏尚書左僕射衛臻征蜀所開
也號成國渠引曰澆田其瀆上承汧水於陳倉東東逕郿及
武功槐里縣

元和郡國志渠在郿縣東北九里受渭水曰溉田

劉志在縣東九里見漢志首受渭東北至上林入蒙籠渠如
淳注溝洫則云在陳倉故雍大記引水經注此渠上承汧水
於陳倉東東過郿及武功槐里至六門堰與昇原渠合魏青

龍中司馬懿事蜀漑田給軍屬衛臻穿之大統後至貞觀咸
通開雖屬加修治皆稷州咸陽地卽漢書所云至上林入蒙
籠渠者也其經流蓋遠而就縣境當是渭北通濟渠成化時
又循跡開之耳

一統志在郿縣東北又東流入武功縣界今壇按漢志渠首
受渭水經注云引汧水蓋漢時之渠本受渭於郿至魏青龍
中重開迺上承汧水於陳倉也

張志按郿成國通濟二渠故道不可尋今渭北有嶧爲董卓
運河者疑卽其址劉侍御謂循而開之似屬可信但東至三
江口迺止武功志無三江口或卽三山口槐里卽興平去川
口五十里業至川口入渭豈能躍而至槐里哉或前輩據書
立言未嘗親歷地形抑海田屢易不可考與

案漢之成國渠郟首受渭下及武功槐里縣謝綬所穿之通濟渠自寶雞逕郟北至武功三江口而止劉九經謂循成國故道理無所悖通濟渠原不曾直達槐里張志駿之無謂綬鑿渠於成化二十年去九經撰志之時不及百二十年其言尚可徵信

通濟渠

一統志明成化中參政謝綬自寶雞縣東閻家營作堰開渠引渭水東流逕岐山縣東郟縣北又東流逕扶風武功至三江口迺止東西二百一十里漑田一千一百六十餘頃又於郟縣西南開斜谷關口縣南開太白峽東西二渠縣東開大振谷口漑田五百三頃有奇渠成總名曰通濟渠今墮

案開皇四年六月開通濟渠自渭達河曰通運漕則通濟之

名猶沿隋代

井田渠

一統志在鄒縣東有東西二渠東渠導源大振谷甯瓦溝凡四水合流西渠導源湯谷華岩泉亦四水合流北逕邨砦各十里交滙橫渠祠後又北流三里入渭宋張載所開今墮

劉志井田渠凡二深濶五尺經界之跡不可得見

張志康熙八年知縣梅遇重濬張焜有碑記

明范吉詩寥寥邨落實堪傷東畝西疇大半荒唯有橫渠祠下水滔滔二派與天長

張焜井田渠碑記先人子厚先生仕宋神宗朝慨然欲復井田行三代之制爲執事新法所礙退而買田分井疏東西二渠期驗試於一鄉歷數朝來山水衝決鄒之司牧與鄒之薦

紳修復無時余同年友梅侯呂康熙三年來治鄒興廢舉墜
八年春三月率弟子員柳勝任陳所蘊張元祥魏井汲李燁
等踰山谷冒荆棘相度形勢指畫曰此水某地可呂循舊某
地可呂引新某山可呂開峽某溝可呂渡橋親操畚鍤爲民
役先月餘工竣二水洋洋灌田可數百頃

孔公渠

鳳翔府志孔公渠金縣令孔天監引斜谷水自縣西南遶城
至東郭北流入渭

案泰和八年強造有碑記詳金石錄

張志此渠在谷口開堰處較入岐境者不過十一康熙六年
知縣梅遇上沿故道至南河溝復創渠引入城及泮壁今渠
雖存水微斷續無常

梅公渠

張志一在縣東關一在縣西關康熙六年旱知縣梅遇詣斜谷分導二渠灌田甚多六十年旱典史胡啟文知縣趙濬復疏故道民亦利焉水微難徧時多水訟

其虞再斜谷水利碑記鄒侯梅君視事數月無曠土無游民賢書彬彬化行俗美亦既有成今夏愆陽不雨侯傍徨歎曰寧不可引導一源灌溉民田者庠偕司訓成君鑑趙生璵張生企仲張生鼎王生鉉銘岳生濬璧洪璧岳生生甫汶生鴻球陳生王前劉生溶強生致柔王生仙張生端等視泉源度地執高下得斜谷關水可屈曲引卽石麓廟堡之前後合民力決浚侯督視露宿月餘工竣爲四渠二渠因也從而擴大之二渠創也自東西名曲折灌注各三十里是秋歉而附渠

左右千餘畝皆書大有

潭谷河渠

張志康熙八年知縣梅遇在谷口開堰分疏二渠東渠北流
二十里曾家寨止西渠北流二十里范家寨止

李栢潭谷河上堰水利碑記

代邑侯作

都本陸海之邑而水田居

其少半者則曰泉與河交相利也泉之大者如槐芽龍舞柿
林等泉潑繞於稻棉果蔬之間一望瑤瑤田家籬落相錯竹
木陰鬱有水鄉澤國之風焉雖河有九灌溉資益僅達於傍
岸砂礫之田而邨落壤墟遠至二三里曾不得沃涓滴豈吏
茲上者高尚清淨不欲曰興作損臥治耶抑雍州之人世居
陸土其於水利或未講耶或泰西水法如龍尾恒升玉衡諸
制尚未傳於中土耶不佞曰康熙三年承乏來都值明年乙

已春大旱爰步禱太白獲澍雨尺餘旣而思之天澤莫如雨地澤莫如河故於六年丁未建議興斜谷之役斜谷旣治再擇水執地執之便者務多方引浚以利民生信地之富於河可已補天之窮於雨也今年壬子賈生琬等復有潭谷河渠之請夫潭谷太白咽喉也舊設上中下三堰諸生所請上堰耳故有渠道正旁引曲通於石罅岩竇之中僅給山前諸衛屯戍汲飲且然而湛則流旱則絕不佞知其艱飲廼減騶如山上下岩壑遂得全河大執廼屬士民告曰治潭谷水較難於諸河蓋沿渠大石如崇崗巨阜嗟峩於連巘屬嶼之間所謂萬牛回首邱山重匪盡五行之用不可治也因指畫方略曰某石某石須用火攻蓋石性頑冷若鍊以巨火沃以寒水陰陽相薄斯魄然斷裂矣某石某石鑿以鐵撞以石扛以木

輓呂索邪許之聲震山谷斯轟然委落矣其餘鑿鑿畚鍤之
用陂壩閘椿之度一一授呂機宜民夫歡噓踴躍趨事役起
二月中旬竣於三月中旬渠面深濶四尺北流三十里左右
聚落莫不霑足焉近山諸邨不得私自穿決墮邊此治潭谷
河之大略也蓋全鄒境內河有九泉亦有九潭谷河治而九
河之利始全九河既開而九泉之利益溥泉與河交相利而
鄒無剩水矣

韋谷渠

張志分導韋谷水逕務平里邨堡達青花鎮東爲蓋厓境時
多水訟

土產

布

麻 舊志貨類

唐書地理志關內道厥賦絹絲布麻

鐵舊志無

明一統志郿縣出鐵宋時有鐵冶務

席舊志貨類

唐書地理志鳳翔府土貢龍須席

通典扶風郡貢龍須席

案韓偓詩八尺龍須方錦褥可知唐時盛興今所產只草席

索羅樹 藥樹 苦蓮樹舊志無

槐芽鎮槐北寺刻金大定四年牒後一行曰索羅樹一棵藥

樹一棵苦蓮樹一棵蓋寺中所有今不存

案索羅字一作娑羅亦作杪羅酉陽雜俎慈恩寺有娑羅樹

今不存近人撰驛程記華山娑羅坪有一株岐山周公廟有

三株今不知存否余所見者江寧宏濟寺有二株京師慈壽寺有五株葉之整齊似青裳而大每枝抽幹作小花一挺百十朵淡黃綠色淡紅心微香結子治隔食

茯苓 舊志藥類

唐岑參胡僧詩序商窆前年采茯苓深入太白

芎藭 舊志無

名醫別錄芎藭葉名蘼蕪生武功川谷斜谷西嶺三月四月采根暴乾陶宏景曰武功斜谷西嶺俱近長安

升麻 羌活 舊志藥類

金史地理志鳳翔府產升麻羌活

酸棗仁 舊志藥類

通典京兆府貢酸棗仁

防風 舊志藥類

劉志熨斗山產防風

不彫木 舊志無

本草集解陳藏器曰生太白山巖谷樹高二三尺葉似槐莖
赤有毛如棠梨四時不彫

野參 金背枇杷 萬年枇杷 舊志見藝文

賈鎰太白山記產野參金背枇杷萬年枇杷皆匪世有
案張志藥類有郤參者當是此野參

蓮 舊志花木類

劉志清湫河夾穿鎮堡有荷池

張志蓮花灣相傳有五色蓮花風動香聞十里

馳羊 舊志鳥獸類

明一統志郤縣出駝羊有峯如駝

畫眉鳥 舊志無

李栢榭葉集鍾呂坪畫眉馴擾衣裾

金鯽 舊志見地形

劉志温泉南有魚洞歲穀雨先金鯽浮游

七星魚 舊志見地形

劉志瀑布泉 即赤水 產魚歧背斑文若梅名七星魚人弗食云

螃螬 舊志見地形

劉志教坊河產螃螬伏石下續骨者取之

黃蠟 舊志貨類

唐書地理志鳳翔府土貢蠟燭

石魚 舊志無

金臺紀聞郟縣河灘上有亂石隨手碎之有石魚可長二三寸天然鱗鬣或雙或隻不等云藏衣笥中能辟蝨魚

石墨

舊志見地形

劉志年例解布政司刷歷

鄒縣志卷二終